



BASES DO CONCURSO

“CONTOS DE BEGONTE”

PRIMEIRA

A Concellería de Cultura, Deportes e Educación do Concello de Begonte, organiza o Concurso “**Contos de Begonte**”, coa finalidade de conmemorar o Día do libro que se celebrará o próximo 23 de abril, así como estimular a produción artística d@s máis pequen@s da casa, ó mesmo tempo que se potencia a participación da cidadanía tanto do núcleo urbano como do rural dunha forma activa e divertida.

SEGUNDA.- Participantes

Poderán presentarse ó concurso todas as persoas de entre 3 e 14 anos que así o desexen e queiran que a súa proposta forme parte da edición dun libro de contos que levará por nome “Contos de Begonte”.

TERCEIRA.- Modalidades

Existe unha única modalidade para inscribirse no concurso:

- ✓ NARRATIVA: onde os nenos e nenas deberán escribir un conto que estea ambientado en Begonte, trate da súa xente, as súas parroquias, as súas tradicións ou calquera outra temática que teña relación co Concello de Begonte.

CUARTA.- Categorías

Establécense dúas categorías

- ✓ De 3 a 8 anos: que inclúe todos os participantes nados do 2012 en diante.
- ✓ De 9 a 14 anos: na que poderán participar tódolos nenos e nenas nados entre o 2006 e o 2011, ambos inclusive.





QUINTA.- . Mecánica do concurso e prazo

Os concursantes, deberán enviar a súa proposta a través do correo electrónico cultura@concellodebegonte.es xunto co modelo de autorización de dereitos de imaxe incluído nestas bases como **Anexo I** perfectamente cuberto e asinado. Dadas as condicións especiais nas que nos atopamos, a entrega só poderá efectuarse de maneira telemática.

Unha vez recibida toda a documentación, notificarase mediante correo electrónico a correcta inscrición no concurso “Contos de Begonte”.

Comunicaranse as persoas gañadoras o martes día 28 de abril nas redes sociais do Concello de Begonte así como na páxina web www.concellodebegonte.es.

SEXTA.- Requisitos

Establécese unha única temática para a modalidade mencionada: que o conto teña relación con Begonte, a súa xente, as súas parroquias, as súas tradicións ou calquera outra temática relacionada co Concello de Begonte.

En canto á variante da narrativa, considerarase apto calquera formato que permita narrar unha historia ou conto, animando ós participantes a acompañar o texto dunha ilustración relacionada que o complementa.

A extensión das obras, incluíndo o título, será dun mínimo dunha cara (contando a ilustración) e non existirá límite máximo.

Non se aceptarán traballos que poidan considerarse ofensivos ou impropios ou que non cumpran coas características obrigatorias mencionadas no presente documento.

SÉTIMA.- Valoración

Estableceranse 10 gañadores, cuxas obras serán valoradas polo xurado composto por persoal do Concello de Begonte donde se premiarán aquelas propostas que





presenten maior creatividade e orixinalidade e conteñan unha historia amena e divertida ou sorprendente.

OITAVA- Premios

Para este concurso establécense os seguintes premios:

- Un lote de material escolar valorado en 30€ para cada un dos gañadores, 5 para cada unha das categorías establecidas.

Poderanse conceder un ou varios accésit dependendo da calidade e cantidade de participación no concurso.

Do mesmo xeito que se poden conceder accésit, poderá declararse deserto algún dos premios.

Os obras realizadas polos 10 gañadores, serán empregadas para a realización do libro “Contos de Begonte”, que o Concello de Begonte editará ó rematar o Concurso.

Os aboamentos dos premios serán tramitados polo Concello de Begonte a través dunha transferencia bancaria.

Para poder realizar a transferencia do premio o solicitante, representante legal do menor, deberá presentar antes do venres 15 de maio de 2020, se as circunstancias o permiten, ben sexa no rexistro das oficinas do Concello ou pola sede electrónica (Instancia Xeral), a seguinte documentación:

- copia do DNI ou CIF, no seu caso.
- Certificación do número da conta.

A resolución de concesión dos premios realizarase mediante Decreto de Alcaldía.

Os premios estarán suxeitos á retención do IRPF de acordo coa lexislación vixente.





NOVENA.- Entrega de premios

O acto de entrega de premios levarase a cabo o primeiro sábado que a situación excepcional que estamos atravesando o permita, unha vez reestablecida a actividade normal, ás 17.30 h. no Centro Sociocultural de Begonte (antiga Cámara Agraria) onde se visualizará o compendio dos traballos gañadores e se fará entrega dos vales correspondentes.

DÉCIMA.- Autorización do dereito de uso da imaxe e datos

En cumprimento ó disposto pola Lei orgánica 03/2018 de protección de datos de carácter persoal, o Concello de Begonte informa de que os datos persoais que se solicitan nestas bases serán incorporados a un ficheiro, do que é responsable o Concello de Begonte, coa única finalidade de levar a cabo as actuacións administrativas que, de ser o caso, se deriven da súa solicitude ou para realizar comunicacións do seu interese para efectos informativos.


Tódolos participantes polo feito de participar, autorizan ó Concello de Begonte a realizar e utilizar as imaxes enviadas para o Concurso e facer uso delas de xeito respectuoso e responsable nas súas respectivas tarefas de información e difusión.

Do mesmo xeito, os participantes autorizan ó Concello de Begonte a empregar as súas propostas para a elaboración do libro “Contos de Begonte”, así como para a súa publicación e difusión.

Se o desexa, pode acceder ós datos facilitados, así como solicitar, se é o caso, a rectificación, oposición ou cancelación, nos termos establecidos na lei indicada, comunicándollo a este Concello.

UNDÉCIMA.- Aceptación das bases

Os participantes, polo mero feito de participar no concurso, aceptan as presentes bases.





ANEXO I INSCRIPCIÓN CONCURSO "CONTOS DE BEGONTE"				Nº REX:
DATOS DO SOLICITANTE OU REPRESENTANTE LEGAL DO MENOR				
Apelidos		Nome		DNI
Enderezo				Concello
Provincia	Código postal	Móbil	Correo electrónico	
DATOS DO MENOR OU MENORES PARTICIPANTES				
Nome e apelidos				
Data de nacemento			DNI	
INDIQUE O NOME DA OBRA REALIZADA				
NARRATIVA Nome da obra: _____				
A PERSOA SOLICITANTE OU REPRESENTANTE COA SINATURA DESTA SOLICITUDE				
☐ Declara que leu e acepta as bases do Concurso "Contos de Begonte". ☐ Autoriza a participar ó/s menor/es no concurso do "Contos de Begonte". ☐ Declara a veracidade dos datos que figuran neste anexo e autoriza ó Concello de Begonte a solicitar ou verificar os datos que estime oportunos en relación á solicitude presentada. ☐ Autoriza ó Concello de Begonte a realizar notificacións do Concurso "Contos de Begonte" a través de SMS, whatsapp e/ou e-mail. ☐ Autoriza a utilizar as fotografías e imaxes, así como as obras aportadas para a participación no concurso e facer uso de dito material de xeito respectuoso e responsable. ☐ Foi informado de que esta Entidade vai tratar e gardar os datos achegados na instancia e na documentación que a acompaña para a realización de actuacións administrativas. ☐ PRESTA O SEU CONSENTIMENTO para que a entidade realice consultas dos datos do solicitante/representante a través da Plataforma de Intermediación de Datos e outros servizos interoperables.				
En _____, a _____ de _____ de 20____.				
Sinatura do solicitante				

